

## KANTONALNA UPRAVA ZA INSPEKCIJSKE POSLOVE

## Premašen broj kontrola, rekordan finansijski efekat

Kantonalna uprava za inspeksijske poslove u prošloj, 2023. godini u potpunosti je obavila sve planirane aktivnosti i ponovo ostvarila iznimno dobre rezultate. Inspektori svih osam inspektorata, koliko ih je u sastavu Uprave, obavili su, a neki i premašili, broj kontrola predviđen Godišnjim planom rada Kantonalne uprave za inspeksijske poslove za 2023. godinu.

- U prošloj godini provedeno je 12.330 inspeksijskih nadzora, što je za 1.090 nadzora u više na planirani broj. Pored toga obavljeno je i 5.659 veterinarsko-zdravstvenih pregleda. Uprava je u 2023. godini ostvarila izuzetno dobre rezultate sa rekordnim finansijskim efektom, po svim osnovama, u ukupnom iznosu od 2.568.108,00 KM, kaže Šerif Kosatica, direktor Kantonalne uprave za inspeksijske poslove.

**Poboljšanje zaštite na radu**

Kada su u pitanju rezultati provedenih kontrola u prošloj godini kod 2.924 subjekata nadzora utvrđeno je neuredno činjenično stanje, a protiv prekršioca su poduzete adekvatne upravne mjere.

- Od ukupnog broja kontrolisanih subjekata 8.857 bilo je uredno, dok je 2.924 subjekta bilo neuredno. U situacijama kada inspektor utvrdi neke manje propuste i nepravilnosti inspektori nastoje djelovati preventivno i korektivno. Ono što radimo i što na kraju uvijek i naglašavamo je da naš cilj nije represivno djelovanje i da naši inspektori nastoje, gdje god i kad god je to moguće djelovati preventivno i korektivno. Međutim, kada se radi o grubim kršenjima zakona ili subjekti nadzora prekršaje ponavljaju i pored ranijih upozorenja ili ne izvrše naložene upravne mjere naša je obaveza da djelujemo represivno. Kada su u pitanju izrečene mjere u prošloj godini izdano je 1.878 rješenja o otklanjanju nedostataka i 1.870 prekršajnih naloga u ukupnom iznosu od 2.339.470,00 KM. Upravna mjera privremene zabrane rada izrečena za 232 subjekata nadzora, dok je nadležnim sudovima upućeno 115 zahtjeva za pokretanje prekršajnog postupka. Tužilaštvu su prosljede 33 krivične prijave, dodaje



- Naši planovi i ciljevi ostaju i dalje isti. Kao samostalan organ državne službe nastavljamo svojim djelovanjem utjecati na sve subjekte nadzora da prvenstveno angažuju radnike u skladu sa pozitivnim zakonskim propisima, da radnicima redovno i zakonito isplaćuju plaće, da promet redovno evidentiraju preko fiskalnog uređaja izdavanjem fiskalnog računa, a naročito da prijavljuju svoj rad preko nadležnog organa uprave, što će se na indirektan način odraziti na bolje prihode u budžetima i fondova PIO/MIO, zdravstvenog i osiguranja od nezapsolenosti, a pogotovo smanjiti broj lica koja se nalaze na evidenciji Službe za zapošljavanje, ističe direktor Šerif Kosatica

Kosatica i ističe da izvršenje konkretnih poslova i zadataka Uprave i u značajnoj mjeri ovisilo od stanja na terenu u svakoj pojedinoj oblasti, te od konkretno dobijenih posebnih zaduženja od strane nadležnih organa.

- Hitnost inspeksijskih nadzora, a samim tim i odstupanje od Programa rada

uzrokovano je pojavama na terenu i diktirano uslovima tržišta. Ono što je i dalje bilo primarno u našem radu su aktivnosti koje svake godine planiramo i provodimo na suzbijanju „sive ekonomije“ i rada na „crno“ ali i poboljšanju stanja kada je u pitanju zaštita na radu. Ciljani inspeksijski nadzori u

ovim oblastima provedeni su u više navrata tokom godine i to na području svih osam općina/gradova Unsko-sanskog kantona. Od ukupnog broja provedenih nadzora u prošloj godini preko 1.500 ih se odnosilo upravo na na ovaj dio. Prilikom kontrola inspektora rada za radne odnose zatečeno je

175 radnika koji su bili angažovani bez ugovora o radu i prijave na obavezno osiguranje, kaže Kosatica i dodaje da se tokom godine pored planiranih redovnih aktivnosti periodično, ovisno od situacije na terenu provode i ciljani inspeksijski nadzori.

**Pojačane kontrole valjanosti rokova proizvoda**

- Pored redovnih planskih aktivnosti, a s ciljem zaštite potrošača također smo u više navrata organizirali i pojačane kontrole valjanosti rokova proizvoda koji su stavljeni u prodaju. U prošloj godini tako je izvršeno 175 nadzora, od toga 115 u ljetnim mjesecima, kada je zbog visokih temperatura i povećan rizik kvarljivosti robe prvenstveno sladoleda, mliječnih proizvoda i dječje hrane. Sa ovim aktivnostima nastavili smo i u ovoj godini tako da su, sanitarni inspektori su tokom januara provedli 28 nadzora u tržnim centrima i malim trgovinama s ciljem utvrđivanja da li subjekti nadzora stavljaju u promet proizvode čiji je rok upotrebe istekao. Moram reći, kada su u pitanju rezultati ovih kontrola, da su podaci sa terena poražavajući, jer kod svih kontrolisanih subjekata inspektori su na policama zatekli neke od proizvoda sa isteklim rokom. Naravno, isti su odmah, po nalogu i u prisustvu inspektora, uklonjeni sa policama i povučeni iz prodaje. Zbog utvrđenih nepravilnosti izdano je 35 rješenja o otklanjanju nedostataka i 35 prekršajnih naloga u ukupnom iznosu od 51.000 KM. Obzirom na navedeno, sanitarni inspektori nastavit će i u ovom mjesecu sa vršenjem pojačanih kontrola kako bi se što više proizvoda isteklog roka odstranilo iz prodaje. Stoga apelujemo na pravna i fizička lica koja se bave prodajom i prometom proizvoda i takve proizvode stave van prometa. Također, moram reći da je nužno da sami potrošači budu svjesni rizika u vezi sa hranom, odnosno apelujemo na građane da se pridržavaju uputa proizvođača o načinu čuvanja, minimalnog roka trajanja. Hranu treba nabavljati u registrovanim objektima u kojima su ispunjeni higijenski i temperaturni uslovi za pro-

met lakkokvarljivih proizvoda i kupovati proizvode registrovanih proizvođača, koji su pod stalnim nadzorom, ističe Kosatica.

S ciljem sistemskog uređenja turističke djelatnosti na području Unsko-sanskog kantona inspektori Kantonalne uprave za inspeksijske poslove USK-a u prošloj godini provodili su pojačane nadzore i u ovoj oblasti (uplata boravišne takse, registracija pružalaca usluga smještaja itd), kontrole cijena i kvalitete proizvoda životinjskog porijekla.

- Pored svega navedenog, nastavili smo i sa aktivnostima koje su imale za cilj poboljšanje saradnje i komunikacije kako sa subjektima nadzora tako i građanima, a radili smo naravno i na još boljoj organizaciji unutar same uprave, a kroz analizu stanja na terenu i organizaciji neplanskih, ciljanih nadzora uz praćenje godišnjeg programa rada, kaže direktor Kosatica.

Kantonalna uprava za inspeksijske poslove uz podršku Vlade Unsko-sanskog kantona u 2023. godini provela je potrebne procedure i obezbijedila dva nova vozila, dio opreme za server, a izvršena je i nabavka računarske opreme (pet mobilnih printera), što je svakako doprinijelo podizanju na viši nivo efikasnost rada na terenu ali i poboljšalo rad pratećih službi unutar Uprave.

Kada je u pitanju kadrovska popunjenost ona još uvijek nije naavidnom nivou, odnosno još uvijek je u Upravi manji broj uposlenih u odnosu na broj predviđen važećim Pravilnikom o sistematizaciji radnih mjesta.

- Trenutno je u Upravi uposleno 46 izvršilaca, od čega sedam glavnih inspektora i 30 kantonalnih inspektora, četiri državna službenika i pet namještenika, što procentualno iznosi 45 % od ukupnog broja izvršilaca predviđenih važećim Pravilnikom. Što se tiče kantonalnih inspektora, Pravilnikom o unutrašnjoj organizaciji sistematizovano je 80 izvršilaca, što je tek 37 % popunjenosti. U prošloj godini, a nakon što je dva puta ponovljen konkurs, okončana je procedura i sa radom je počeo kantonalni inspektor zaštite na radu, dok je u završnoj fazi i konkursna procedura za prijem u radni odnos veterinarskog inspektora. Isti bi, po okončanju ko-

